



UNIVERSITÄTS-  
BIBLIOTHEK  
PADERBORN

**Roma Sancta sive Benedicti XIII. Pontificis Maximi &  
Eminentissimorum & Reverendissimorum S. R. E.  
Cardinalium Viva Virtutum Imago Æri & literis in  
perennaturam Virtutum memoriam incisa**

**Conlin, Johann Rudolph**

**Augustæ Vindelicorum, Anno MDCCXXVI**

**VD18 10209328**

No. XXXVI. Innicvs Carraciolvs Neapolitanus.

---

[urn:nbn:de:hbz:466:1-72633](#)



No. XXXVI.

# INNICVS CARRACIOLVS NEAPOLITANUS.



Nnicus tit. S. Thomæ in Parione Cardinalis Carraciolum Neapolitanus, Episcopus Aversanus natus est An. 1654. 16. Dec. ex Illustrissima Carraciolorum Familiâ, quæ vetustate inclyta, opibus præpollens, Dynastiis ampla, togâ sagôque clarissima, Religione pia, sapientiâ famosa, utilitate probata, inchoata virtute, propagata literis, felicitate consummata, nominis sui splendore totum Regnum Neapolitanum complectitur. Ex Græciâ, sapientum Patriâ, Illustrissimi Carracioli originem trahunt. Inde ad Regiam Parthenopen (nunc Napoli) transgrediebantur; credo ut ea in urbe, literarum studiis jamdum Ciceronis, Virgiliique ætate clarissimâ, suæ sedèm ponerent sapientiæ, aut ut Cumis proximi, è Tripode loquerentur, aut Ciceronis Puteolos natâ, ore facundo oracula funderent, aut in Capuanâ Urbe, Romæ olim æmulâ, potentiam firmarent, aut Nolam fortiti, ad cultum Numinis populos convocarent. Hoc indubitatò constat, quod jamdum IX. Sæculo Carraciolorum nomen per Regnum Neapolitanum inclytum viguerit; sed ad Petrum quemdam Carraciolum, qui XII. Sæculo vixit, generis seriem referunt, cui duo filii Gregorius & Landulphus obtigerant; inde duæ inclytæ Carraciolorum Stirpes, Rossiorum & Pisquitiorum. Carraciolorum Magnitudinis manifestum argumentum est, quod quinque S. R. E. Cardinales, Unus Patriarcha, XVII. Archiepiscopi, XXIV. Episcopi, IX. bellicâ gloriâ celeberrimi, & primi nominis Duces inde prodierint; ut adeò Illustrissimam hanc familiam planè Seminarium fuisse constet, unde sacra æquæ ac Profana Respublica Viros, in magnæ terrarum partis salutem progenitos, evocârit. Principatus tam potentes erant Carracioli, ut Sansovinus XII. Principatus, XXVII. Ducatus, XXVI. Marchionatus, & Comitatum duplicum numerum referat, quorum tituli aut possessiones potentissimis Carraciolis adscribebantur. Sed ego nulla re magis celebrandos opinor, quam eximio Religionis Studio, pro quâ strenuè tuendâ sagati in armis stabant, togati in curiis laborabant. Eos inter, ut complures alios hic prætermittam (quorum tamen egregiis nominibus non abstinebo, cùm Nicolaum Carraciolum S. R. E. Cardinalem paulò post coïmemorabo) jure perquam meritissimo nuncupandus venit Innicus Carraciolum, Eminensissimus noster Purpuratus, qui Sapientiâ & Pietate sumus, conieritus est, ut ad Honores, ad Purpuram, ad Episcopatus, sive unâ in partem egregiorum laborum, in Christianâ Republica obeundarum, à Sacrâ Româ evocaretur. Primò Clericus de Camerâ dictus, solertissimum ingenium Clementi XI. qui charissimum habebat, statim comprobabat. Inde Ephesiorum Episcopus, ab eodem Clemente denominabatur. Ephesus Joniæ Urbs est antiquitate & amplitudine, templisque Diana nobilitata inter Meandrū & Castrum fluvios sita, & Asiæ olim Lumen nuncupatum. Istud Diana templum à totâ Asiâ quadrigenitis annis exstructum fuerat; inter septem Orbis miracula olim habitum. In eodem templo inter cœtera fuerat Hecatæ Statua, in ejus contemplatione aeditus admonuit oculis parcer;

cere; tanta fuerat, teste Plinio, n<sup>a</sup> armoris radiatio. Eadem die templum itud  
conflagraverat, quā Alexander Magnus Pellæ nascebatur, incendente Herofstra-  
to, ut imortale sibi per malefacta nomen compararet. Ephesi mandatum edi-  
derant, ne quis infastum hominis facinorosi nomen deinceps ore proloqueretur;  
nec tamen, quō minus id, quod voluit, consequeretur, prohibere poterant. Ec-  
clesia, quæ Ephesi erat, à sancto Paulo, qui anno à Reparata nostra salute LV, eō  
venerat, & toto triennio ibi morabatur, exstructa fuerat. Postea S. Joannes E-  
vangelista eidem præfuit usque ad tempora Trajani ad An. Christi 101, quō placi-  
dè exspiravit; cùm antea sub Domitiano ferventí oleo Romæ suisset imersus, &  
in Patmon Insulam relegatus, demum sub Nerva ad Ephesios rediisset. Eadem  
in Urbe Beatissimam Virginem, post Christum pasum, domicilium fixisse, non de-  
sunt, qui scribant. Lex Ephesiorum fuerat, quæ jubebat: *Recordari quotidie alicujus veterum, qui honeste vixisset.* Enimverò Innicus Carraciolum Ephesiorum Episcopus creatus,  
semper ante mentis oculos Illustrissimorum Majorum suorum Vivam Virtutum  
Imaginem habuerit, quas sibi imitandas, & ex integro in se exprimendas ducebat. In-  
tuitus fuerit Marinum Carraciolum, qui à Leone X. cum Hyeronimo Alexandro ad  
Carolum V. neoelectum Imperatorem missus, in comitiis Wormatia habitis omnem  
lapidem movebat, ut hæresis, per Germaniam exorta, in semine suffocaretur. Re-  
spexerit in Carolum Andream Carraciolum, qui An. 1634. in prælio Nordlingano  
causam Catholicam strenuè propugnaverat. Nam cùm Innicus Carraciolum A. 1712.  
apud Helvetos Pontificis Nuntius moraretur, omnia intēstini dilacerata dissidiis vi-  
dit. Abbat Fani Sancti Galli cum Toggiensibus, qui ejus ditioni subsunt, lis enasce-  
batur; cùm Helvetæ Religionis homines sua privilegia per eum comitatum ab Abba-  
te imminutum iri conquererentur; is rebellibus, ut judicabat, subditis non cedendum  
ratus, arma in eos parabat; contra Tigurini & Bernates catiſam Toggenſum, ar-  
matā non minus manu defendendam suscepserant. Indigna res visa Quinquepagici  
Catholicis, videlicet Lucernensis, Uranis, Suiciis, Unter Waldiis & Tugianis, se-  
ditiosos adversus Principem subditos, à Tigurinis & Bernatibus foveri; hinc & ipſi  
arma avidè arripiebant, antiquam gentis suæ gloriā respicientes; nam à se Ann.  
1531. contra eosdem Tigurinos & Bernates magnum aliquid patratum suisse, neuti-  
quam ignorabant. Verū enimverò prædicto anno MDXXXI. Hi Quinquepagici  
tribus prælii insigniter hostes profligaverant. Prima acies committebatur XI. Oct.  
apud Capellam Monasterium, cùm Tigurini Suicios, Tugianos, & Unter Waldios  
invaderent: Catholici fugam simulabant, ut in paratas infidias hostem pellicerent.  
Mox ex infidiis valido agmine prorumpentes, Tigurinos in fugam compellebant,  
MD. Cæsis, & in iis malorum omnium incentore & Capite ZWinglio. Secun-  
dum prælium conferebatur XVII. Octobris, cùm Tigurini, præteritā clade exacer-  
bati, accitis Bernatibus ad triginta hominum millia intra paucos dies contraxissent,  
eoque adversus Catholicos in aciem producerent. Occurrabant imperterritu a-  
nimo Quinquepagici, quorum totus exercitus octodecim millibus consisterat. Iter-  
rum Superis pro meliore stantibus causa, ZWingiani fundebantur, flumen quin-  
gentos absorberat, in confliktu septingenti cæsi fuerant. Tertium & Ultimum præ-  
lium XXIV. Octobris ejusdem anni committebatur; cùm enim Tigurinos, & Berna-  
tes, quod plurimi à paucis in fugam turpiter acti & superati essent, pessimè habe-  
ret, in auxilium sibi adsciscabant Basileenses, & Schaffhusianos, & Sangallios, ac  
Mullhusianos, eo Consilio, ut noctu Catholicos imparatos invaderent: non late-  
bat Quinquepagicos, quid illi machinarentur, jubebantque suos, interulas lineas ar-  
mis superinducere, ut eo Symbolo possent alii ab aliis internosci. Ubi ad pug-  
nam ventum erat, tam fortiter Catholici in ZWinglianis insurgebant, ut aliquot eo-  
rum millia cæderentur. Statim postea ZWinglianis iterum turpiter discedendum  
erat; nam cùm quinquepagici processionem ad Ecclesiam B. Virginis Einsidlen-  
sem,

sem, miraculis celeberrimam, processionem decrevissent, à senibus, pueris, foemini, Virginibus, omnique imbelli turbâ peragendam, tulerant eum de se triumphum ZWingiani quām ægerrimè, jānque constituerant, illam ædem evertere, & imaginem B. Virginis in frusta concisam, igni absurñere ; sed ille tam Barbarus conatus multo illis sanguine constitit ; nam à Catholicis, strictis pugionibus excepti, egregiè vapulabant. Ita illo tempore se res habebat; verū in eo, quod An. 1712. Quinquepagicis cum Tigurinis & Bernatibus intercesserat bello, sēcūs omnia acciderunt; Deo ita ordinante, ne in hominum unquam confidatur dextris, sed Solum Brachium Dei excelsi in Spiritu Humilitatis agnoscat. Tunc quidem Sanctissimus Pater Clemens XI. neutiquam omiserat, ut pro eximio suo in rem Catholicam studio qualiacunque Subsidia, quantum summa in illa temporum calamitate Apostolici ærarii patiebantur angustiæ, memoratis Pagis alaci animo conferret. Illos insuper Pastoralibus monitis vehementer excitare non prætermittebat, ut fortí strenuoque animo pro aris & focis pugnarent, ac mutuam imprimis, & in eo rerum statu, si unquam alias, maximè necessariam animorum, consiliorūque concordiam foverent. Enixis præterea Officiis Orthodoxos reges adhortauit & obtestatus fuerat, ut afflictis illie Catholicorum rebus, celeri validaque ope succurrerent, conjunctisque Studiis Acatholicorum conatus & audaciam coercerent. Pontificiorum mandatorum interpres Innicus Carracioli, diu noctuque laborabat, circumcursabat, & ad rem non segniter gerendam Orthodoxos adhortabatur; sed justissimus Deus, & in judiciis suis incomprehensibilis, qui jam olim Israelitas electum à se populum, multiplicatis eorum peccatis irritatus, in manus Assyriorum, Philistæorum, Ammonitarum, Moabitarum, & Jebusæorum &c. &c. tradiderat, etiam hīc à Fidelibus Helvetis suis manus retrahere visus; iterum porrecti, si alterius partis peccata ingravescant. Tigurini & Bernates, ingenti exercitu contracto, qui triplō quām Catholicorum major erat, in Sangallensem ditio- nem irrumpebant. Statim urbs Mellinga, quæ Ursæ fluvio adjacet, & Wila, haud procul Fano Sancti Galli sita, interceptæ fuerant. Ipsum Sangallense mo- nasterium direptum: Auri, argenteique ingens pondus, Ecclesiæ paulò ante orna- mentum, in prædatorum manus, belli veluti jure, veniebat. Complura tormenta, mortaria, & reliquus bellii apparatus, humili detossus, eruebantur. Publica mo- nasterii documenta inter manus lacerantium deperibant. Pulcherrimum Orga- num, in profanos usus aptandum, avehebatur. In cellis, dolii in frusta concisis, vina medio corpore tenus alicubi fluebant; hinc factum, ut militum aliqui, melle eo nectare inebriati, novi mortis genere in vino naufragium fecerint. Campanæ, ut suo funeri præluderent, unanimi concentu, unius horæ spatio, concrepa- bant; postea inter belligerantes dividebantur, nova metamorphosi in bellica tor- menta transituræ. Earum una, quæ quadraginta supra centum Centipondia suo pondere æquabat, Tigurinis cessit, & sex ac quadraginta funeralibus equis aveheba- tur. Movit ea res Quinquepagicos, ut in hostem, prædā prægravem, ocyus mo- verent. Haud procul Prima Guardia (Bremgarten) quatuor eorum millia in in- sidiis collocabantur, ut in hostem, temerè progredientem, ex improviso erumpe- rent. Fraude patefacta, justa acie 28. Maij decertandum erat. Victoria à Berna- tibus, cum quibus solis res erat, steterat. E Catholicis DC. desiderabantur. Sa- ciorum major numerus erat. Non pauciores quingentis Captos Bernates abdu- xerant. Statim Urbs Prima Guardia, & post eam Bada Victoribus portam pande- bant. Nec tamen Quinquepagici animum desponebant; sed novo cum hosti- bus prælio XXV. Julii haud procul Villmerga (in liberis, ut vocant, provinciis si- ta) congregiebantur. Iterum eadem fortuna partium fuit; nam licet Catholicis initia prælii faverent, ultima tamen longè infaustissima accidebant, tribus eo-

rum millibus cæsis, totidem captis, & omni apparatu bellico in hostium manibus  
 destituto. Ea tamen Victoria Bernatibus multo impendio steterat, ita ut inter  
 passos mutua armorum damna facilis concordia coalesceret; præsertim quod mun  
 itissimâ Ruperti villâ (RaperschWeil) amissâ, Catholici suis diffidere armis cœ  
 piissent; contra Tigurini & Bernates haud iñerito subvererentur, ne cùm ipsi cum  
 Catholicæ Religionis hominibus acri bello colliderentur, tertius, veluti Pacifica  
 tor, superveniret, utrosque absorpturus. Et jam Imperator ex unâ, ex alterâ  
 parte Galliarum Rex Ludovicus XIV. Helvetiæ propius armatum militem admo  
 vebant, aliorum detimenta, si porro in bellum animi prurirent, suum facturi lu  
 crum. Rem subdorati Helveti, sibi ipsi pacis leges dictârunt, nullo alio parti  
 um medio, & veluti sequestro, tunc quidem admisso: Ea Pax vel ideo impe  
 tratu facilis erat, quod pagi Friburgensis, Solodorensis, Basileensis, Schaffhusia  
 nus, Abbatiscellensis & Claronensis eidem bello se neutiquam in eam usque diem  
 immiscissent; nec etiam immiscere poterant, nisi totam unâ Rempublicam ever  
 sam vellent. Horum imprimis sedulâ curâ efficiebatur, ut pax inter belligera  
 tes eâ lege stabiliretur, ut Ruperti villa, Comitatus Badensis, Mellinga, Prima  
 Quardia &c in Tigurinorum & Bernatum manibus tamdiu relinquenterunt, donec  
 omnium securitati cautum esset, sibique de expensis, quas in id bellum insump  
 sissent, satisfactum foret; postea omnia bona fide, ad suos Dominos redirent; &  
 pleraque redierunt; credo, ne nova belli materies hominibus, quoruna salus in  
 unâ pace posita, diu retentis, quæ restituenda essent, offerretur. Innicus Carr  
 aciolum toto eo tempore in eo unicè erat, ne Orthodoxa Helvetia indecorè cum  
 hostibus paciferetur; concoquenda tamen erant qualiacunque detimenta reli  
 giosissimo Antistiti, cùm Europæ Principum nemo reperiretur, qui aliorum com  
 moda suum periculum Pace Raftadiensi tam recenti, facere vellet. Anno 1715.  
 Innicus Carraciolum, sitis præcisè commendatus meritis, & in periculosissimis Sa  
 crae Reipublicæ temporibus, apud Helvetos moratus, iisque, quantum in se erat,  
 ut fortes essent, strenuis adhortationibus animatis, nec etiam post rerum infortunia  
 derelictis, sed ad certissimam fortunæ reflorituræ spem erectis, Cardinalis factus  
 est, creatus equidem XXIX. Maij, nec tamen ante XVII. Decembris promulgatus.  
 Verba Clementis XI. promulgantis ea fuere. *Intendimus insuper bac ipse die declarare & palam  
 evulgare Innicum Carraciolum, Episcopum Aversanum, cuius preclaras, ac Sacro Antistite verè dignas virtutes, ne  
 mo ex vobis est, qui ignoret.* Hæc à Pontificio Oraculo de Eminentissimo Purpurato Inni  
 nico Carraciolo dicta fuisse, satis sunt, & integri libri instar. Solummodo de  
 Episcopatu Aversano est, quod commemorem. Ea urbs nunc Arpino vocatur (o  
 llim Atella nuncupabatur, Capua inter & Neapolim sita, Volscorum Juris) Patria  
 fuerat Caii Marii, qui septies Consul Romam regebat. Marcus Tullius Ci  
 cero illud Eloquentiae famosissimum Lumen, tercentum inde paßibus proge  
 nitus fuerat. Robertus Guiscardus Normannus ex Apuliae ducibus munitissi  
 man ibidem arcem extruxerat, ut Neapolitanorum cervicibus incubaret. E  
 go Eminentissimum Purpuratum Innicum Carraciolum Cajo Mario multum  
 equidem majorem reproto, quantum plus est, Sacrae Reipublicæ Navem, vali  
 dis ventis hinc inde incumbentibus, feliciter regere, quam Consulares Fasces  
 Romæ tenere: Ciceroni æquiparo, cùm in omnem partem facundus, pro  
 nas omnium voluntates per Helvetiam attraxerit: Arcem denique credo, non  
 quæ tibi Sacra Parthenope terrori amplius esse queat aut velit;  
 sed quam, ceu *Arcem Refugii ames unâ &*  
*reverearis,*

No.